



27 NOV, 2022

Pesakit kanser usus tahap empat hadir konvokesyen

Kosmo Ahad, Malaysia



Page 1 of 2

Pesakit kanser usus tahap empat hadir konvokesyen



TENGGU PERMAISURI NORASHIKIN menyampaikan Anugerah Hadiah Buku Inovasi MTDC Doktor Falsafah (Pengangkutan dan Logistik) kepada **Dr. Anis Mardiana** pada Istiadat Konvokesyen UiTM ke-95 semalam.

SHAH ALAM – Menghidap kanser usus tahap empat tidak mematahkan semangat Dr. Anis Mardiana Abdullah yang mengagahkan diri untuk berdiri dan mengambil sendiri skrol ijazah kedoktoran (PhD) pada Konvokesyen ke-95 Universiti Teknologi Mara (UiTM), di sini semalam.

Anis Mardiana, 45, turut menerima anugerah Hadiah Buku Inovasi Malaysian Technology Development Corp. (MTDC), hasil kajiannya dalam bidang pengangkutan dan logistik.

Kata ibu seorang anak itu, dia enggan menggunakan kerusi roda bagi mengelak daripada menyusahkan orang lain.

"Saya baru didiagnosis penyakit ini dua minggu lalu. Apabila dapat anugerah ini amat terkejut dalam keadaan kesihat

tan sebegini.

"Ketika sambung PhD tiada simptom teruk sebaliknya hanya tangan mengeletar dan saya fikir ia disebabkan stress buat PhD," katanya ketika ditemui selepas istiadat konvokesyen yang diadakan di Dewan Agung Tuanku Canselor UiTM, semalam.

Anis Mardiana menjelaskan dia akan menjalani pembedahan berkaitan penyakitnya itu minggu depan di Hospital Canselor Tuanku Muhriz.

"Kalau ikut kata doktor penyakit ini sudah lama, tetapi saya tidak berasa sakit.

"Saya berharap pembedahan akan berjalan lancar," jelasnya.

Wanita itu memberitahu, dia menggunakan pengalaman sebagai pegawai di Kementerian Kewangan dalam menjalankan

kajian berkaitan logistik dan pengangkutan, terutama dalam bidang halal.

Tambahnya, sokongan suami dan anak banyak membantunya menyelesaikan pengajian tersebut dalam tempoh hampir empat tahun.

"Ramai beranggapan apabila buat PhD, seseorang itu akan melalui waktu keseorangan dan sunyi. Saya nasihatkan supaya jangan putus asa, carilah kawan serta berbaik dengan penyelia supaya tugas dapat diselesaikan dengan berjaya," katanya.

Sidang pertama konvokesyen semalam disempurnakan Pro-Canselor UiTM, Tengku Permaisuri Selangor, Tengku Permaisuri Norashikin dengan melibatkan 116 graduan ijazah kedoktoran.



27 NOV, 2022

Pesakit kanser usus tahap empat hadir konvokesyen

Kosmo Ahad, Malaysia



Page 2 of 2

SUMMARIES

TENGGU PERMAISURI NORASHIKIN menyampaikan Anugerah Hadiah Buku Inovasi MTDC Doktor Falsafah (Pengangkutan dan Logistik) kepada Dr. Anis Mardiana pada Istiadat Konvokesyen UiTM ke-95 semalam.

SHAH ALAM - Menghidap kanser usus tahap empat tidak mematahkan semangat Dr. Anis Mardiana Abdullah yang menggagahkan diri untuk berdiri dan mengambil sendiri skrol ijazah kedoktoran (PhD) pada Konvokesyen ke-95 Universiti Teknologi Mara (UiTM), di sini semalam. Anis Mardiana, 45, turut menerima anugerah Hadiah Buku Inovasi Malaysian Technology Development Corp.